

შინაური საქმეები.

სოციალ-დემოკრატიული გაზეთი

№ 44.

შასი ერთი შაური

წლიური შასი 4 მან.

წელიწადი მეხუთე.

კვირა, 16 დეკემბერი 1912 წელი

სოციალ-დემოკრატიული გაზეთი

შინაური საქმეები

სუდის მთავარი მიღება (რედაქციამ, ქ. ქუთაისში სუდის მთავარი მიღება — კაზაკების სუდის მთავარი მიღება, სიმონიანის სუდის მთავარი მიღება).

გაზეთის შასი:

წლიური ფასი:	სხ. წლით:	სამა თვით:	ერთი თვით:
4 მანეთი.	2 მანეთი.	1 მანეთი.	2 აბაზი.

ცალკე ნომერი ქუთაისში ერთი შაური.

ფულის შორის წლიური ნომერი ქუთაისში ერთი შაური. და 1 ფინს. 2 მ. განცხადების ფასი წინა გვერდზე პეტრიტის სტრიქონი ორი შაური. უკანასკნელზე 7 კ.

ადრესი: ქუთაისი: „შინაური საქმეების“ რედაქცია.

შნაასი: 1. სიტყვა კოსტანტინეპოლის პატრიარქის იოაკიმე მესამეს გარდაცვალების გამო — ეპისკოპოს ლეონიდიისა; 2. ქრისტიანობა და პროგრესი — მლ. იოანე ლუკიანოვისა; 3. რას ჩამაცივდი, თათარო, — რ. საჯავახოელისა; 4. საყურადღებო ცირკულიარები; 5. პასუხი მოკეთეს — მლ. თ. დუგლაძისი. 6. კრიტიკული შენიშვნები — ხომელისა; 7. მოწერილი ამბები ა) ქაფი, კარბოული — სტუმრის. — ბ) ს. თხილთაწყარო, — ნაპერწყალისა. 8) წერილები რედაქციის მიმართ — ა) არონ დონდოლაძისი, ბ) მლ. პორფირე კავილაძისი, გ) მლ. იასონ აბესაძისი; 9. მადლობის გამოცხადება მლ. ტარასი ძიგრაშვილისა;

სიტყვა

კოსტანტინეპოლის უნეტარესის ჰატრიარქის იოაკიმე მესამეს გარდაცვალების გამო.

მოკვდა სამოელ, და შეკრბა ყოველი ისრაელი, და ტიროდეს მას. (ი. მეფ. 25. 1)

ასე აგვიწერს მეფეთა წიგნი ებრაელთა საერთო გლოვას სახელოვანი წინასწარმეტყველის სამოელის სიკვდილის გამო. კუბოს რომ მიცვალებულის სახლში შეჰქონდა და ყოველთვის შეაქვს მწუხარება, გლოვა, ტირილი, კვნესა და გმინვა, ეს ყველამაც ვიცით და ყველას გვინახავს კიდევ. მაგრამ კუბოს რომ თავის გარშემო შემოგვიბრბოს ერის ყველა შევი

1) ითქვა ბათუმის ბერძენების ეკლესიაში 24 ნოემბერს 1912 წ.

ლები, მიცვალებულს რომ მშობელ მამასავით, სააკუთარი ოჯახის საყვარელი წევრისავით თავს დასტიროდეს მთელი ერი, მთელი ნაცია, რომელსაც გარდაცვლებული ეკუთნოდა სულით და ჩამომავლობით, და არა მარტო ნათესავთა და შგობართა განსახლებული წრე, არა მხოლოდ ნაცნობები და პატივისმცემენი, არა მხოლოდ თანამსახურნი და მისი წოდების პირნი, ეს მეტად იშვიათი სანახავია და ასეთი ბედნიერება ხვედრი ყოფილა მხოლოდ იმ ღვთისაგან რჩეული გვამებისა, რომლებსაც თავიანთი მადლიანი მოქალაქობით უშუქებით მშობლიო ერისათვის, როგორც სასწაულო მოქმედს ცეცხლის სვეტს.

ნამდვილათ ასეთი ნათელმოსილი სვეტი იყო წინასწარმეტყველი სამოცილი თავისი დროის ებრაელთათვის, როგორც შვილები, ისე მთელი ერი ხელში ეჭირა მას, ზნეობრივად და უკანასკნელსაც სწვრთნიდა ღვთის შიშში, როგორც პირველებს, ერის ბედნიერებას და კეთილდღეობასაც ისეთი გულსმოდგინებით ავედრებდა უფალსა, როგორც საკუთარი სახლისას, ყოველი მწუხარება, ყოველი ვარაზი და გაჭირვება ერისა ამ ზომამდევე სწვდებოდა მის გულს, როგორც უმახლობელისი პირებისა, იგი განუშორებლად ატარებდა გულით მშობელი ერის ჭირსა და ღონს და, აი, ამ გარემოებამ შექმნა ის ერის მახლობლად, ერის საყვარელ და ძვირფას პირად, ამ გარემოებამ შეადგულა განუყოფელი ერთეულად მისი სიკვდილის დღეს მთელი ერი, ამან გამოიწვია მთელი ერში, თითქოს ერთი ოჯახის წევრებში, ხმადალი მოსაქმა-ტირილი, ამ აზრის ზახ-გასმით აღნიშვნა სურდა სადმართო მწერალს სიტყვებით: მოკვდა სამოცილ, და შეკრბა ყოველი ისრაელი, და ტიროდეს მას (ა. მეფ. 25, 1.)

მსგავსივე მეტად იშვიათი სანახაობა განუყოფელი ერის გულითადი გლოვი-ტირილი სა გვეხატება თვალწინ დღესაც უნეტარესი მსოფლიო პატრიარქის იოაკიმე მესამეს გარდაგარდაცვლების გამო, აღებული შემთხვევისთვის სწორეთ ზედგამოჭრილი იქნება, რომ ვსთქვათ: მოკვდა პატრიარქი იოაკიმე მესამე, და შეკრ-

ბა ყოველი ერი ბერძენთა, და ტირის მას.

სტირიან უნეტარესის იოაკიმეს სიკვდილის გამო არა მარტო ბედნიერ ელლადამი მყოფნი, არა მხოლოდ კოსტანტინებოლის სამწყსო, სტირიან ქვეყნის თვითეული ქალაქისა და დაბა-სოფლების, მსოფლიოს ყოველი კუთხის ბერძენები, სადაც კი ორი და სამი მოიძიება, სტირიან, არა იმის გამო, რომ საბერძენთა დაპყარვა ეკლესიის თავი, ეს დანაკლისი სულ მოკლე დროში იქნება აღდგენილი, სტირიან იმას, რომ უნეტარესის პატრიარქის იოაკიმე მესამის სიკვდილმა დაუყარვა ბერძენთა ერს ღვთისაგან რჩეული პირი, რომელიც თავისი საოცარი მადლმოსილობით იკრებდა თავის გარშემო ელლინთა ნაციის ყველა შვილებს, ვითარ სახელ შეიკრიბნის შფრინველმან მართვენი თვისნი ქვეშე ფრთეთა თვისთა (მათ. 23, 37.) და ყველას ათბობდა, ყველას აცოცხლებდა, ყველას ანუგეშებდა და უაღერსებდა სათუთი მშობლური სიყვარულით და მზრუნველობით.

ბერძენთა ერისადმი მზურვალე სიყვარულმა, მშობლიო ეკლესიის სახელის დიდებისათვის მოციქულებრივმა შურმა და სამწყსოს სულიერი და მოქალაქობრივი კეთილდღეობისათვის მსხვერპლად შეწირვის თანდაყოლილმა თავგანწირულებამ ამ დიდებულ პიროვნებას ერთ დროს ბრწყინვალე პატრიარქის ტახტი ვააცვლეინეს განდვილ მუდამანოის ღარიბ სენაკზე. ჩვიდმეტი წლის განმავლობაში დაყოფებულად მოღვაწობის დროს პატრიარქა დღე და დამ ცრემლსა ღვრიდა და დაუძინებლად დღესულობდა მხოლოდ იმაზე, რომ ბერძენთა ერი მთლად და უენებლად გამოეხსნა უფალს ცხოვრების ცეცხლიდან, რომელიც ყოველი მზრდან წაუკიდა მას ოსმალთა. ჩვიდმეტი წლის განმავლობაში არ იცოდა მან არავითარი საწოლი, გარდა ხის კუბოხი, რათა ამითი ეგრძობინებია თვითეული ბერძენისათვის რომ მათი სიმძლავრე მხოლოდ ზნეობრივ მოღვაწეობაშია, რომ ერის ძალას წარმოადგენს მარტო ზნეობის სიფაქიზე და ღვთის სიყვარულის სიდიდე.

საპატრიარქოში იწყეს ხშირ-ხშირად დაუფლებული პატრიარქის სახელის ხსენება, ათონის მთის ყუდრო ყუნქულში გამოქრული იოაკიმეს ბერული სენაკი განუშორებელი შეიქმნა ბერძენთა გონებისაგან, დიდებული დაუღებულის პიროვნება იმდენად გაიზარდა და გაშუქდა საბერძენეთის ერის წარმოდგენაში, რომ „პოპოვ რა (ერმა) მარგარიტი ესე მრავალ სასყიდლისა, წარვიდა, და მოიყიდა იგი“ (მათ. 13, 45); ე. ი. მთელი ერი დასდგა დიდებული პირის წინაშე მუხლის თავებზე და ცრემლით შეევედრა მას მიეღო ხელახლად პატრიარქობა.

მუდამ ღვთის ნების მიმყოფლა, მსგავსად საშუილისა, ნეტარმა იოაკიმემ ხმა ერისა სწო ღვთის ხმად, დაუყონებლივ დასტოვა ყუდრო სენაკი. კიდევ დაუბრუნდა პატრიარქობას, ხელახლად დაჯდა სულიერ მსაჯულად ბერძენების ერისა. ამ დღიდან მოკიდებული სიკვდილიმდე მის სათხოვარ-სალოცავ-საგნად ღვთისადმი გახდა მხოლოდ ის, რომ ცისა და ქვეყნის მგუფეს ეკოდინებინა მისთვის ნამდვილი საღმარაო მორწმუნე საბერძენეთის გამოხსნისა, რომელთა ხელქვეითობისაგან ერის მოსიყვარულე შამის გულში ჩაისახა და გაეწყო ის ერთობა საბერძენეთისა და ბალკანეთის სლავიანთა შორის, რომელიც დღეს იპყრობს მთელი გიხათლებული კაცობრიობის ყურადღებას და რომლის შედეგებიც ასე სასიამოვნოდ უძგერებს გულს ყოველ ბერძენს.

იხილა რა, უნეტარესმა იოაკიმემ, მსგავსად მართალი სვიმეონ ღვთის მიმრქმელისა, დასაწყისი სამშობლოს ხსნისა, შესთხოვა მამასა ნათელთასა მშვიდობით განტევა ამიერ სოფლით, ისმინა უფალმა ვედრება მართლისა, მიიკვალა პატრიარქი იოაკიმე შესამე და ამან აატირა, ამან ააყენესა ამ საერო სიხარულის ეამს ბერძენთა ერი.

იტოვებ ღვთისაგან ყურთხეული ერო, იტოვებ საბედნიეროა შენთვის ეგ ცრემლები, მაგ გვარი ტირილი უნამდვილესი წინდა შენი სულიერი დღესასწაულობისა. სიყვარული და დაფასება ღირსეულ მწყემსთა, სიყვარული

და დაფასება საკუთარი ერისა, საკუთარი კეთილ-დღეობისა.

სვეტი მართლმადიდებლობისა, მამაბრძვარი იოაკიმე შესამე განხორციელება იყო მამათა სარწმუნოებისადმი სიყვარულისა და გმუნუსაზღვრელი ერთგულებისა. ასეთივე სიყვარული და ერთგულება მართლმადიდებლობისადმი დაგვიტოვა ანდერძად ყველა მის პატივისმცემლებს.

ეპისკოპოსი ლეონიდი

ქრისტიანობა და პროგრესი. ბუნდოვანი დასასრული. ზნეობრივი პროგრესი და მოკიდებული ქრისტიანობისაგან, და მასში კპოვებს თავისთვის უმთავრეს ძალას.

ქრისტიანობამდის ზნეობრივი კანონის მოთხოვნილებანი ბუნდოვანათ იყო წარმოდგენილი; თვით განათლებული ადამიანები იბნეოდნენ იმის გამოცნობაში, თუ რა იყო პატრიოსური და კეთილის-მყოფელი, და ვერ შეეძლოთ დაეწესებიათ კეთილი ცხოვრების ღირსეული იდეალი. ამიტომ წარმართობაში არც კი იყო სასტიკად გასმული გარჩევის ხაზი, სიკეთესა და ბიწიერების შუა და ზოგჯერ ღირსებათ შიანდათ ისეთი ხაქმე, რომელიც ამკირებდა ადამიანს. ხალხმა არ იცოდა საიო წასულიყო, და არ ჰქონდა ნათლად გათვალისწინებული თავისი მიზანი. კაცი ვერ ხედავდა თავის დანიშნულებას, და გარეგანი ბედნიერება და სიკეთე მიაჩნდა უკანასკნელ სა-

ზღვრად თავის მისწრაფებისა. სულის მოთხოვნის დროს დაუსრულებელ ნეტარებაზე, რომლისათვისაც დანიშნულია ადამიანი, ხალხს არ ჰქონდა ნათელი წარმოდგენა. ებრაელებს ჰქონდათ გამოცხადებული წმინდა ზნეობრივი კანონი; მაგრამ იგი იყო გაფუჭებული სხვადასხვა ადამიანების დამატებებით, და ებრაელს ესმოდა იგი ისე ვიწროდ და ხორციელად, რომ სახელმძღვანელო კანონი ჰკარგავდა მისთვის გამსულიერებელ მნიშვნელობას. ქრისტიანობის გარეშე ზნეობრივი წარმატებისათვის იყო კიდევ დამატებული მიზეზი, — ეს სახელდობრ უმწეობა ადამიანისა, მისი ნების და ზნეობრივი ძალების უძლურება. კაცს, თუნდაც დაენახა სიკეთე, თუნდა მიმხვდარიყო გონებით, რა მოეთხოვება მას თავის ღირსების დასაცველად, — ვერ ჰპოვებდა თავის თავში საკმარის ძალას და თავ-გამოდებას, რომ შეესრულებინა ის, რასაც სინდისი ეუბნებოდა, და იგი ცოდვის კანონის მონობაში მყოფი, აკეთებდა არა იმ კეთილს, რომელიც უნდოდა, არამედ იმ ბოროტს, რომელიც არ უნდოდა, როგორც ეს აღიარა პავლე მოციქულმა ბუნებრივი კაცის პირით (რომ. VII, 19—20). ხალხი იყო ტყვე ცოდვისა და უსჯულოებისა. ასეთ გარემოებათა გამო ძველი ხალხების და სამეფოების ისტორია სრულიადაც არ ჰმოწმობს მათ ზნეობრივ წარმატებაზე და ამალეობაზე, შესაფერ მათის გარეგანის ზრდისა და დიდი ხნის ცხოვრებისა. პირიქით, რაკი გაიმართება წელში რომელიმე ხალხი და დაიჭერს თავის ადგილს ისტორიაში, მაშინვე იწყება მისი ზნეობრივი გახრწნა და შინაგანი სიღამპლე უჩნდება. ძველი ხანის დასრულებისას, ქრისტიანობის გამოცხადების წინ და პირველი მის გავრცელების დროს, როდესაც ბერძენ-რომაელთა ცივილიზაციას თავისი წარმატებით ამაყად თავი მოჰქონდა, ჩვენ ვხედავთ ისტორიაში მეტის-მეტ ზნეობრივ დაცემას. პავლე მოციქული რომაელთა ეპისტოლეში გვიხატავს სამწუხარო სურათს, რომელსაც წარმოადგენდა კაცობრიობა, ნაელელი დიდი-ხნისა წარმართების ცივილიზაციის გზით. მასში შეგროვილიყო

ყოველივე ბიწიერებანი, რომლებიც წარმოდგენდნენ ცივილიზაციურ საზოგადოებას ზნეობის მხრივ დამწიფებულს საშინელ მუწუკად: ხორციელი ვნებანი აიძულებდნენ ადამიანს არ დაკმაყოფილებულიყო ბუნებრივი საშუალებით, არამედ ბუნების წინააღმდეგი საშუალებებით კმაყოფილდებოდა (რომაელ. 1, 24—32). და კაცი, მონა ამ ვნებათა, მოციქულის სიტყვისამებრ, იქმოდა „უჯეროსა საქმესა (რომ 1, 28), და არა რცხვენოდა. როდესაც პირუთენელ ისტორიას უნდა დაახასიათოს წარმართი საზოგადოება რომის იმპერიის დროებისა, ან ქრისტიანობის გავრცელების პირველ დროისა, — იგი გვაუწყებს ჩვენ ისეთ ზნეობრივ დაცემულ პირებს, რომლებიც მივიდნენ გარყვნილობაში უკანასკნელ საზღვრებამდის, და ეს პირები დიდ თანამდებობისანი იყვნენ; რა თქმა უნდა, არც დანარჩენი საზოგადოება ჩამოუარდებოდა იმათ გარყვნილებაში. მაგრამ აი გამოცხადდა ქრისტიანობა, რომელმაც ახსნა ზნეობრივი კანონის მოთხოვნილება. ეხლა ცხადი შეიქმნა, საით უნდა მიისწრაფებოდეს ადამიანი. სახარების კანონის მაღალ მოთხოვნილებების შესასრულებლად, ადამიანს მიზნის მისაღწევად, ქრისტიანობისაგან მიცემული აქვს კაცს საღმრთო მადლი, რომლითაც მას შეუძლიან ამაღლდეს ისეთ ზნეობრივ სრულყოფამდის, რომელიც მიუწლომელი იყო წარმართი ადამიანისთვის. როდესაც გამოცხადდა ქრისტიანობა, მაშინვე გამოსჩნდა ისეთი ზნეობრივი აღმაფრენა, როგორც ქვეყანას ჯერ არ ენახა, და რომლის გაგებაც არ შეეძლო წარმართ ქვეყანას; და ეს ზეფრენა არ იყო წარმავალი მოვლენა; იქიდგან შესდგა მუდმივი მოძრაობა, რომელიც მოდის მთელი საუკუნოების განმავლობაში და აძლევს ადამიანს სულის გამარჯვებას ქვეყნიერობაზედ, ვნებებზე, ბიწიერებაზე. მთელი წყებები მოწამეთა და აღმსარებელთა, რომელთა სიმტკიცის ძლევა ვერ შეეძლო შეერთებულს ძალებს ქვეყნისას და ჯოჯოხეთისას და რომლებიც ყველაფერს, თვით სიცოცხლესაც, მსხვერპლად სწირავდნენ სარწმუნოებისთვის და წმინდა რწმენისთვის,

მრავალნი მოღვაწენი, რომლებიც უარს ამბობდნენ ცხოვრების სიამოვნებაზე და მიდიოდნენ მყუდრო უდაბნოებში, რომ იქ მარტობაში მიეხწიათ კაცისათვის მისაწთომ ღვთის მსგავსებას, და რომლებიც თავიანთი ღვაწლით აკვირებდნენ არამც თუ ხალხს, არამედ ანგელოზებსაც, უთვალავი სიმრავლე წმინდანებისა, რომელთაც განახორციელეს სული სახარების სიწმინდისა, უბოროტობისა და თავდადებული სიყვარულისა, — ყველა ესენი მოწმობენ ზნეობრივი ცხოვრების განახლებას და განმტკიცებას ქრისტიანობის გავლენით. მით უფრო შესანიშნავია ეს მოწმობა, რომ ადამიანები, რომლებიც მისწვდნენ ქრისტიანობაში მაღალ სიწმინდეს, გამთდიოდნენ იმ საზოგადოებიდან, რომელიც ზნეობრივად დაცემული იყო, და წარმოადგენდა წარმართობაში გახრწნილ უსულო გვამს. სიმაღლე სრულ-ყოფისა, რომელზედაც აღიოდნენ ისინი, წარმოუდგენელი იყო წარმართობაში. იქ არ იყო წმინდანები, რომ ღმერთს მისმსგავსებოდნენ, არამედ იყვნენ მხოლოდ პატიოსანი და კეთილი ადამიანები. შესანიშნავია აგრეთვე, რომ ქრისტიანები ისე ადვილად ვერ ეძლეოდნენ ზნეობრივ გაფუჭებას, როგორც ძველად წარმართი ხალხები.

ენახეთ ჩვენ ისტორიაში მაგალითები პროგრესისა, რომელიც სრულიად განდგომილია ქრისტიანობისაგან, მაგრამ ეს მაგალითები გადაქრით ამბობენ, რომ უქრისტიანობოდ და ქრისტიანობის გარეთ არ არის ქეშპირიტი და ზნეობრივი პროგრესი მოიგონეთ ხანები პირველი საფრანგეთის რევოლუციისა და პარიზის კომუნისა. ამ დროების მოქმედნი გაეყარნენ ქრისტიანობას და სიჩქარით გაექანენ წინ. მაგრამ ისინი აკეთებდნენ დანგრევის საქმეს და არა აღშენებისას: ისინი ყველაფერს ჭმუსრდნენ, ემუქრებოდნენ მოსპობას ადამიანის საღმრთო ინტერესებს, უნდოდათ ყველაფერი სისხლის ნიაღვრით შოერწყოთ. ამ ადამიანების ბატონობა რომ გაგრძელებულიყო, ხალხის საზოგადოებას დალუპვა ელოდა და დაჰკირვამდა შეგნებას თავის ადამიანურის ღირსებისას. ქრისტიანობის გარეშე ისევე შეუძლებელია

ლია საზოგადოების განვითარება და წინ-სვლა, როგორც შეუძლებელია სიცოცხლე ჩვენი სხეულის რომელიმე ნაწილისა, თუ იმას კავშირი გაწყვეტილი აქვს გულთან. ქრისტიანობის გარეშე ხალხის საზოგადოებას მოელის არა სიკეთე და ბედნიერება, არამედ დალუპვა და აოხრება...

მღ. იოანე ლუკიანოვი.

რას ჩამახვილდი თათარო..

რას ჩამახვილდი, თათარო,
ძალას რომ მატან ძალზედა?
შენც კაცი ხარ და მეც კაცი—
სულდგმული ქვეყანაზედა.

რათ გასურს პირუტყვით მაქციო,
უნოთ, უსულგულოთა,
გულში ჩამიკლა ფიქრები,
მომსპობი სასიკვდილოთა....

მე საკუთარი ჰანგი მაქვს,
იგი უყვარდა მამასა,
მამა-პაპათა ზნე-წესით
ვერ მოვცილდები ამასა.

ჩემია, ჩემს ბუნებასთან
შენასისხლ-შენახორცები,
დამატკობელი ყურისა,
და სასოების მომცემი.

ეგ ჰიმნი არის საღმრთო
დაავადებულ სულისა,
ზეცად გონების აღმტაცი,
განმკურნებელი წყლულისა.

ღმერთი, რჯული და სინდისი—
არას ვაშავებ ცხადია.
ქართველი ვარ და ქართულათ
ღვთისადმი ლოცვა მწადია.

შენ კი მეგაქიბუქები:
ვიცი მაგ შენი ფანდლი...

მაგ ჰიშნის ნაცვლათ იმდერგ
სპარსული ბაიათიო!!
დიდება შენდა, უფალო!
რარჯული სამართალია?
ქართველისაგან—ქართული
სპარსულში გასაცვალაია?!

რედაქციის იმისი რედაქციისაგან.
მატი 4.
1912 წ.

**საქურადღებო სინოლისაგან იმე-
რეთის ვინსკოპოსის გიორგისა.**

ქართლ-იმერეთის სინოდის გენერალ-
რა თავის ერთ ერთ უკანასკნელ ბძანებაში
სხვათა შორის ყურადღებას აქცევს კლი-
როვის უწყებების უკანონო წარმოებას
ერთ საბლადოჩინოში, რომელშიდაც
(უწყებებში) უკიდურესობამდე ცნო-
ბებია მოყვანილი; იქილამ სჩანს, რომ
მღვდელი, რომელიც დაბადებულა 1851
წლის პირველ აგვისტოს საქმის მწარ-
მოებლად ყოფილა 1860-ში, როცა იგი
9 წლის ყოფილა, დააკნათ და ღვდლათ
უკურთხებიათ 1864 წ. როცა 13 წელიწადი
შესრულებია, რაც ყოვლად წარმოუდგე-
ნელია და შეუძლებელი და რაც აიხსნება
უთუოდ იმ გარემოებით, რომ მღვდელს
სურდა თავის წლოვანება შეემტირებია,
რომ მოხუცებულობის გამო შტატ გა-
რეთ არ დაემთავათ. გაცნობებთ რა ამას
წინადაციდებთ, რომ რწმუნებულ თქვენ-
დამი ოლქის სამღვდლოებამ მკაცრი ყუ-
რადღება მოაქციოს კლიროვის უწყებების
სისწორით წარმოებას, წინააღმდეგ შემ-
თხვევაში სასტიკ პასუხის გებაში მიეცე-
მიან. ამასთანავე განემარტავ, რომ თი-
თეულ კრწმულის წევრის ნამსახურობით
სიაში მოთავსებული უნდა იყოს ზედმი-
წევნით სწორი და უტყუარი ცნობები სა-
თაურის თითეულ წინადადებაზე; წლო-
ვანება კრებულის წევრთა და მათი ოჯა-

ხობისა (ცოლისა და შვილების) ამოწე-
რილი უნდა იქნეს მეტრიკიდან, ხოლო
ვინც მეტრიკაში არ წერია, ძველი აღ-
სარების სიიდან; წოდების კოლოფში
(въ графѣ о званіи) უნდა ჩაიწეროს ვისი
შვილი, შვილიშვილი ან შვილთა შვი-
ლია ეკლესიის მსახური—მღვდლის, დი-
აკვნის, თუ ერის კაცის და არა ყრუთ და-
იწეროს ასე: „სასულიერო წოდების გან-
წესება ადგილზე, გადაყვან-გადმოყვანა,
დაჯილდოება და დასჯა, რაც შედის
ნამსახურობის სიაში აღნიშნული უნდა
იყოს მოწერილობიდან და არა ზეპირათ
წლის, თვის, რიცხვის და ნომრის ჩვენე-
ბით; ცნობებში მამულის შესახებ უნდა
ჩაიწეროს, შეძლებისამებრ, სისწორით
იმის ჩვენებით, თუ ვის რამდენი და რა
გვარი ადგილმამული აქვს; სამოსახლო,
საყანე, სავენახე, ტყე, სათიბი და სხ.
შვილებზე ნაჩვენები უნდა იყოს ვინ სად
არის და რას აკეთებს, თუ სამსახურშია
სად და რამდენ ჯამაგირს ღებულობს და
რომელი წყაროდან, თუ სწავლობს, სად
და ვის ხარჯზე. ამასთანავე ყველაფერში
იხელმძღვანელონ უწ. სინოდის 1909
წლის № 6 ბრძანებით, რომლის მიხედ-
ვით შემუშავებულია კლიროვის უწყე-
ბათათვის და ნამსახურობითი სიებისა-
თვის ასალი ფორმის ბლანკები.

ძალისაგამო უწ. სინოდის უქაზისა ამა
წლის 22 ნოემბრიდან № 27, მოგიწერ
თქვენ დაავალოთ სამღვდლოებას კრე-
ბულნი წარადგინონ სათანადო დაწესე-
ბულებებში (სამხედრო საკრებულოებში
(Воинское приустройство) იმ პირთა სიებიც.
რომელნიც დაბადებულან 1891 წლის
პირველი ოქტომბრიდან 1892 წლის პი-
რველ იანვრამდე აქედან სჩანს, რომ ის
სიები, რომლებიც აქამდის დგებოდა
ყოველ წლის პირველ ოქტომბრიდან
შემდეგი წლის პირველ ოქტომბრამდე,
თავის თავად უნდა შედგეს და წარედ-
გინოს სათანადო მთავრობას.

შასუხი მოკეთეს. 1)

მამაო რედაქტორო!

გვგზავნით რა ამასთანავე პასუხს იმ კორესპონდენციის წინააღმდეგ, რომელიც დაბეჭდილი იყო თქვენი გაზეთის მე 41 №-ში, ცენზურის კანონდებლობის 114 სტატიის მე 12 მუხლის ძალით; ვთხოვთ ეს ჩემი პასუხი დაბეჭდოთ უცვლელად თქვენი გაზეთის შემდეგ №-ში უსაფრთხოდ.

ბლადიჩინი; მღვდელი თ. დუგლაძე.

ვახ. „შინაური საქმეების“ „მე 33 №-ში დაბეჭდილი იყო წერილი ვილაც მოკეთისა, ამ სათაურით: „სად მიდის საფიქსიის სასაფლაოს შემოსავალი და რად მართებს ეკლესიას ვალო?“

ჩვენ პროგორც აღნიშნული სასაფლაოს გამგე სამხრუწველოს წევრმა-ხასინადარმა იმ გაზეთში დასაბუთებულ გავგზავნიეთ სპასუხო წერილი სასაფლაოს შესავალ გასაგლის ანგარიშით დღიდან სასაფლაოს სასულიერო მთავრობის გამგეობაში გადასვლისა. მაგრამ რედაქტორმა მღვდელმა მკედლიძემ ჩვენ სპასუხო წერილიდან სასაფლაოს შესავალ გასაგლის ანგარიში არ დაგვიბეჭდა. უფულოდ ანგარიშებს არ ვებეჭდებოთ, იცხადებს რედაქტორი მკედლიძე. ჩვენ ვფიქრობთ მღვდელმა მკედლიძემ ან არ იცის რედაქტორობის მოვალეობა: საწინააღმდეგე წერილი სავსებით დაბეჭდა თავის გაზეთში და ჩვენ ვი საშუალებები არ მოგვცა სპასუხო წერილი სავსებით დაგვიბეჭდა და თავი გვემართლებია, ან ვანგებ მოკმედებს ასე პირადი ანგარიშებით. თორემ სხვა გაზეთებში ვანა არ იბეჭდება ამგვარი სპასუხო ანგარიშები უფულოდ? იუ მღვდელი მკედლიძე მისთვის ბეჭდავს თავის გაზეთში საწინააღმდეგე წერილებს, რომ სპასუხო წერილებ-ანგარიშებს დაბეჭდაში ფული აიღოს?? ეს საქციელი არ შეგინის რედაქტორს. სჩანს მოკეთე აგენტი ყოფილა მისი: ამ გაზეთის საშუალებით ჩვენ ანგარიში მოგვთხოვა სასაფლაოს შესახებ იმ იმედით, რომ სპასუხო ანგარიშის დაბეჭდაში

მკედლიძემ ამ წერილს სრულიად უცვლელად მთელი მისი ლიტერატურული მშენებით თანამად ამოწერილ სტატიებისა და ამით ვსაბოთ ყოველივე საუბარს აღიწოდეს საკითხის შესახებ; მკედლიძემა თვით გამოარჯივოს სდ ანის სიმართლე.

რედაქტორი ჩვენგან ფულს მიიღებდა, მაგრამ რაკი ის მოსტყუდა და რედაქტორმა მკედლიძემ ჩვენგან ფული ვერ მიიღო ანგარიშის დაბეჭდაში, ვხლა „მოკეთე“ ჩვენს ანგარიშს უნდობლობას უცხადებს ამავ გაზეთის მე 41 № — ში: „კარგი უქნია რედაქტორს ბლადიჩინ დუგლაძის ცხრილი, რომ არ დაუბეჭდილო, რომ ამ ანგარიშით ვერავის დაარწმუნებსო“; ბ. მოკეთეს მესხიერება ხომ არ დალატობს, ვერ ანგარიშს ითხოვდა: სად მიდის საფ. სასაფლაოს შემოსავალი და რად მართებს ეკლესიას ვალო; ვხლა ანგარიში აღარ სურს „არ ვერწმუნებოთ“ გაიძახის „მოკეთე“ და რედაქტორის მოკმედებს აწონებს „კარგი უქნია რედაქტორს ანგარიში არ დაუბეჭდილო.“ ამისთანა მოკმედებს ჩვენში ჯიუტობას ეძახიან. მოკეთე ანგარიშს ითხოვდა, ჩვენი ანგარიში მას არ წაუყიფხავს გაზეთში, რადგან რედაქტორმა არ ინება მისი დაბეჭდა, გაიძახის კი არ, გენდობითო; სრული ნება აქვს არ გვენდოს, მარა უნდა დაგვიმტკიცოს წინააღმდეგე.

ბ. მოკეთე თვის წერილში (შინაური საქმეების 41 №) განაგრობს: ჩვენი თვალთა ხედვა არ ვეატყუებს (ოღონდაც) ხახს ჩვენ უსამთ, ამ სასაფლაოს სამი ათასი უნდა მიუღიოდეს წელიწადში (საკვირველია მეტს არ ამბობთ)... ანგარიშებს არ ვენდობით (თქვენი სიტყვები, უსაბუთოდ, პაერში წამოსროლილი, ვითომ ვის დაარწმუნებს)... საფლაოებს ვკითხოთ, ეკლესიების საბუთებში დაკრძალვით ვინ დამარხულა ამ სასაფლაოზე და მაშინ დაინახავთ... (ღიას, მაშინ დაინახავთ, რომ თქვენ „მოკეთე“ ცრუ და უსრცხვილო ცილის მწამებელი ხართ)... წერილებ მოძლოს ბ. მოკეთე ოსტატურად ათავებს „ჩვენი მინც და მინც კეთარ ვამტკიცებთო რიზე ბოროტებას, მარა ეჭვი გვაქვსო და თუ ბლადიჩინი დუგლაძე რედაქტორ რევიზიას მოიახოვს, ეჭვი აღარ გვენებს და დაარწმუნდებითო...“ და სხვა... მან დიას, მოკეთეს ჩვენზე ეჭვი მქონია და ამისთვის გვაფადებს ფაქტული რევიზია მოვიხლოვით. ძნელად ვულ უმცყვილი ყოფილხართ „მოკეთე“; თქვენ შეიძლება სხვა ეჭვებიც გე

რო გკონდესთ, თქვენი ნებაა, ჩვენ ამას არ გიშლით, არც გვაქვს ამის უფლება, მარა თქვენ კი არ გაქვსთ უფლება თქვენი ექვეებით სხვას ჩირქი მოსცხოთ უსაბუთოდ. თქვენს წერილებს დაბეზლების სუნი უდის, ამას კარგად ხედავს მკითხველი. თუ ასე არ არის, თუ თქვენ სიმართლეს ემსახურებით, თუ გაქვსთ მოქალაქობრივი გამბედაობა, დაგვისახელეთ ან გაზეთში თუნდ ერთი მაგალითი მაინც ჩვენი ბოროტ-მოქმედებისა, ან რაკი თქვენ ასე იქნენულობთ ჩვენზე და ბოროტ-მოქმედად გვთვლით, კანონიერება მოითხოვს თქვენ თითონ ითხოვთ სათანადო მთავრობის წინაშე ჩვენი რევიზია თქვენის ვინაობის გამოცხადებით იმ პირობით, რომ ვინც გამტყუნდეს ჩვენში, გარდა შესაფერი კანონიერის სასჯელისა გარდაიხადოს იმერეთის საეპარხიო სამსრუნველოს სასარგებლოდ 50 მანეთი. ხოლო თუ თქვენ ამას არ იზამთ, უსირცხვილო მბეზლარის სახელს დაიმსახურებთ ამ გაზეთის მკითხველთა წინაშე. მარა ან კი რისი შეგრძნებებით, როდესაც ფსედონიმის ქერქში იმილათათავს და იქიდან ისერით ტალახს და მკითხველმა არ იციან პეტრე ხართ, ივანე, თუ სვიმონ იონასი.

სადირჩხიის სასაფლაოს ეკლესიის სამხრუნველოს წვერი-ხაზინადარი ბლალაჩინი მღ. თ. დუგლაძე.

პროსტიკული შანიშვნაჲი

„გრდემლი“, სალიტერატურო კრებული. წიგნი I

„გრდემლიშივე“ არის დასტამბული იასონ და რენო“, ნაწყვეტი პოემიდან „მედია და მშვენიერი ელენე“ ა. შანშიაშვილისა, რომელსაც ფაბრულა ძველი, კლასიკური ბერძნების გადმოცემიდან აუღია და წმინდა შოთა რუსთაველისებური ჰანგებით იმღერის. როცა ამ პოემას ავტორი სულ დაასრულებს, მე განზრახვა მაქვს ქართველს ახალგაზდა ნიკიერს მგოსანს ვუძღვნა ვრცელი წერილი, სადაც გამოვთქვამ ჩემს აზრს, თუ

რა თვისების, ხასიათის და ზომის ტალანტით არის დასაჩუქრებული ავტორი, რომელმაც ჩვენი ნორჩი ლიტერატურის პატარა ჭიქაში უკვე შუშხუნი და რაღამე ქარიშხალიც ასტეხა და ახლა კი გადავდივარ აქ პირდაპირ ბ. ია ეკალაძის ამბავზე: „რას ამბობენ ვერხვები...“

ია ეკალაძე სამწერლო მოედანზე პირველად გამოვიდა, თუ არა ვცდები, „ივერიის“ ფურცლებზე 1897 წელს, როცა ამ გაზეთის ხელმძღვანელად იყო ბ. გიორგი ლასხიშვილი. აქ დასტამბულ პატარა მოთხრობისთვის, საცა ავტორი სასულიერო სემინარიის ცხოვრებას ეხებოდა, იგი საქართველოდან იქნა გაძევებული და, ამგვარად ახალგაზდა მწერალი, პირველ გამოსვლისათანავე, სულ ტყვილა უბრალოდ დაისაჯა, მას აქედ მაინც მას კალამი ხელიდან არ გაუგდია და ერთგულათ ემსახურება მშობლიურ მწერლობას.

ამ შვიდი, თუ რვა წლის წინათ ავტორმა თვისი ნაწერი ერთ ტომად ცალკე წიგნადაც დასტამბა, რომლის შესახებ უნდა ვთქვა, რომ არც ერთი იმისი იქ ნაწერი ნამდვილ მხატვრულ ნაწარმოებს არ წარმოადგენს და, მაშასადამე, სერიოზულ კრიტიკის ყურადღებას ვერ მიიქცევს. ავტორს ვერსად იქ ვერ მოუცია ჩვენთვის, ვერც ხასიათები, ვერც ტიპები ხომ, რასაკვირველია. ია ეკალაძის ამბები და მოთხრობანი ცხოვრების იშვიათ ამბებს, რაღაც გმირულ თავგადასავალს უფრო ეტანება და ამიტომ ისინი უფრო ზღაპრებს მოგვაგონებენ, ვიდრე ყოველ დღიური ცხოვრების ჩვეულებრივ ამბებს და მოვლინებებს.

ამას გარდა, ავტორს უყვარს მალაღლი, გაბერილი, რიტორული კილო წერისა და მშრალად, მასთან განყენებულადაც მსჯელობს. ეს გარემოება, დამეთანხმებით, ძალიან მომაზნებელია მკითხველის სულისა და გულისთვის,

რომელიც მხატვრულ ნაწარმოებში გულის ძგერით აღელვებული ეძიებს სიცოცხლის სასვე მჩქეფარე მიმდინარეობას აზრებისას და გრძნობებისას და ამავე დროსვე ზომაზე გადუქარბებულ მშვენიერ ფერადებს და ცხოვრების ყვა-ვილებს, ამიტომაც, ია ეკალაძის პირველ ტომში მოქცეული ამბები და მოთხრობანი ცალიერი მშრალი, ისიც დაუმიწიფებელი ჰკუის პუბლიცისტიკაა, მქადაგებლის ტემების დამუშავება და განმარტება და მეტი არაფერი...

თუმცა, რა თქმა უნდა, აგერ-ეგერ იქაც შეხვდება კაცს ლაზათიანი, მოხდენილი სურათი, ცოცხალი ნახულისცენებიც, რომელნიც საკმაო პოეტურის ნიჭით აქვს გადმოცემული ავტორს. მაგრამ, დამეთანხმებით, მარტო ეს არა კმარა, რომ ავტორს, პატივცემულს ია ეკალაძეს ბელეტრისტის სახელი ვუწოდო...

მაგრამ „გრდემლში“ დასტამბულმა იმისმა ამბავმა კი საოცრად გამაკვირვა. ია ეკალაძე ერთბაშად გაიზარდა, ხორც შესხმულ ცოცხალ პოეტად დადგა ჩემი თვალის წინ, ცხოვრების უბრალო ამბავი დიდის პოეტურის ტალანტით შვენივრად დახატა და ჩემი გული, ცხოვრების განსაცდელისა და ვაი-ვაგლახით მწარეთ მოკლული, გაამხიარულა, გაასპეტაკა...

ია ეკალაძეს დიდის გულწრფელობით გამოუყვანია და ცოცხლად დაუხატავს არჩილ თოთლაურის და ნანოს შეხვედრა ქალაქ გორიანაში და ამბავი დიდი დაკვირვებით მეტად ლამაზი, დახვეწილი ქართულის ენით გადმოუტანია ქალალზე. ავტორის ნაწარმოების პირები განყენებული, უსისხლო-ხორცო პირები არ არიან, ნამდვილ ცხოვრების დულილიდან ამოგლეჯილნი დიდის მხატვრობით არიან დახატულნი და ამ ზომაზე გადაუცილებელ მხატვრობას თქვენ მიჰყავხართ დიდი ესთეტიური

დატკობის და სიამის მომგვრელს არე-მარეში...

„იცით, ამბობს „თემის“ რეცენზენტი. ნამდვილი ღირსება ნაწარმოებისა რაში გამოიხატება? როცა ლამაზ სიტყვათა შორის, სტრიქონსა და სტრიქონშუა უჩინრად იქსოვება რაღაცა საიდუმლო ძლიერი გრძნობა, პირდაპირ ავტორის გულიდან ამონაწიწკნი და იგი გრძნობა სევდიან სიამედ ექსოვება გარშემო შენ გულს. როცა გრძნობ, რომ ავტორი სცენაზე კი არა დგას და იქიდან კი არ კითხულობს ხელოვნურად შექნილის გრძნობით თავის სულის კვეთებას, არამედ იგი სდგას თვით ცხოვრებაში, სისხლით და ცრემლით მოსვრილ ცხოვრებაში, გარეშე მოესმის კვნესა, თითონაც ჰკვნესის, სულგამწარებული იწიწკნის გულიდან ყველაზე ძვირფას, შორს მიმწდომ გრძნობას და სისხლიანის ხელებით ლამაზად შეკონილ თაიგულად ახეთქებს თქვენ წინ. თქვენ ხედავთ, რომ ეს გრძნობა ისევ თბილია, სისხლიც ჯერ არ შემშრალა, იგი პირდაპირ მკენესარე გულიდან არის ამონაგლეჯი; იგი თქვენი გულის ნაწილია.

„რას ამბობენ ვერხვები?“ — რა სევდიან და დაუმთავრებელ მუსიკად გაისმიან მასში ადამიანის მწარე ფიქრები!..

აქ გამოგონილი თითქმის არაფერიც არ არის: კაცის გული პირამდის აღვსილა რაღაცა განუყრელ სევდით. მდიდარის გრძნობით და ისე რაც ვერ დატეულა შიგ, გადმოდენილა ლამაზ სურათებად და შექმნილა „რას ამბობენ ვერხვები?“

ოო, რა ძვირფასი საუნჯეა მწერლისთვის გულწრფელობა!

ვკითხულობ ამ მუქაში დასაქერ ნოველლას და ასე მგონია მთის ანკარა წყაროს დავეწაფე მეთქი; დავეწაფე პირდაპირ კლდეებზე და არა სურაში ჩასხმულს.

გგონიათ, რომ გულს მოჰკლდომია რაცხა; მკენსარეს აულია ოქროს კალაში ხელში, ჩაუწერია რაღაცა ათას წლოვან მწუხარებაში და შემდეგ ქალაღდზე აღმოუთქვამს თავისი გრძნობა.

სომელი. შემდეგი იქნება.

მაწერილი ამბები.

სოფ. კობოული. (ზემო იმერეთი).

სოფელი კობოული კულტურული მხრით წინ მიდის: წვრილი კრედიტის ამხანაგობას წელს მიემატა წიგნთსაცავ - სამკითხველოს დაარსება, რომლის პასუხისმგებელ პირათ ქუთაისის გუბერნატორის მიერ დანიშნულია საკრედიტო ამხანაგობის გამგეობის თავმჯდომარე მღვდ. ვლადიმერ მაქარაშვილი; სამკითხველოს გახსნის დღეთ გამოცხადებული იყო 22 ნომერი; ამ დღისთვის მრავალნი პირნი იყვნენ ბარათებით მოწვეულნი ბანკის შენობაში. შუადღის ხანაზე საკმაო საზოგადოებამ მოიყარა თავი და კრება გაიხსნა. კრებამ მღვდ. ვლად. მაქარაშვილის წინადადებით ერთხმათ და აღგინა კობოულის წიგნთსაცავ-სამკითხველოს დაერქვას სახელოვანი მამულიშვილის და დიდებული პედაგოგის იაკობ სვიმონისძის გოგებაშვილის სახელი, რომელმაც მთელი თავისი სიკოცხლე შეაღია ქართველ ხალხის გათვითცნობიერებას სწავლა-აღზრდის საშუალებით. შემდეგ ბანკის შენობაში გადახდილ იქნა პანაშვიდი ქართველ მოღვაწეთა - დიმიტრი ყიფიანის (გარ. 25 წლ. თავი), ილია ქავჭავაძის (დაბ. 75 წლ. თავი), იაკობ გოგებაშვილის, ალექსანდრე ხახანაშვილის, დავით სარაჯიშვილის და ნიკოლოზ ლოლობერიძის სულის მოსახსენებლად. პანაშვიდის შემდეგ მღ. მაქარაშვილმა გააცნო დამსწრე საზოგადოებას ამ დიდებულ გვიგამთა შრომა და ღვაწლი სამშობლოს საკეთილდღეოდ. წარმოითქვა მრავალი სიტყვები; ყველა თავის სიხარულს გამოხატავდა და ამ ყრიად სასარგებლო დაწესებულების

დაარსების გამო. კრებამ სამკითხველოს გამგერთაირია მასწავლებელი, ქნი ეკატერინე იოსელიანის ასული. სამკითხველო მოთავსებულია საკრედიტო ამხანაგობის შენობაში. უსურვებთ აქაური საქმეების მეთაურებს თანხმობით და ნაყოფიერ მუშაობას.

სტუმარი.

სოფ. თხილთაწყარო. (შორაპნის მაზრა)

სოფელი თხილთაწყარო მდებარეობს ჩხარის მახლობლად, უჭირავს მალეობი ადგილი და როგორც ჰავით და ბუნების სიმდიდრით, ისე ადგილმდებარეობით, წარმოადგენს ერთს საუკეთესო სოფელთაგანს. მგზავრის ყურადღებას იქცევს თლილი ქვისაგან აშენებული სამრეკლო, რომელიც დიდ შნოს აძლევს არამც თუ მარტო თხილთაწყაროს, არამედ მახლობელ სოფლებსაც.

სოფელში არსებობს ერთკლასიანი, ორკომპლექტიანი სამრელო სკოლა. ოთხმოცდა შვიდი ორივე სქესის ბავშვით. თუმცა ჯერჯერობით ამ სოფელში თვალსაჩინო არა არის რაიმე თემული ხალხის უმრავლესობის გაუნათლებლობისა გამო, მაგრამ ამ ბოლო დროს გაბედული უმცირესობის წყალობით, რომლის მეთაურად და სულის ჩამდგმელადაც სამართლიანად ითვლება ადგილობრივი მღ. მამა ექვთიმე შანიტაძე, ხალხი იღვიძებს. მაგალითად ამა 1912 წლის განმავლობაში ხალხმა სამჯერ დაადგინა შესაფერი განაჩენი არსებული სკოლის ორკლასიანად გადაკეთებისა და მისთვის საჭირო შენობის აგებისა. მამა ექვთიმე შანიტაძე ყველა ამაში, როგორც სამრეკლოს აშენებაში, რომელიც ხალხს საბი ათას მანეთამდე დაუჯდა და ეს არის მოათვეს, დიდი შრომა და ღვაწლი მიუძღვის და მალე იქნება, რომ თხილთაწყაროელებს მამა ექვთიმეს შემწეობით ექნება არამც თუ ორკლასიანი სასწავლებელი, არამედ, რამდენადაც ვამიგია მ. ექვთიმეს განზრახვები, ბევრი კიდევ სხვა ხალხისთვის ვამოსადეგი და ნივთიერად წელში გამშართველი დაწესებულებანი. იმედია ხალხი არ შეუშინდება მცირე

ხარჯებს ასეთი საზოგადო საქმისათვის, რო- როგორც სწავლა-განათლების საქმეა და აწი- ცნობით მოეკიდება თავისს გულკეთილ მოძ- ლვარს და გაჰყვება უკან, როგორც თავისს საუკეთესო წინამძღოლს, რომელიც არავითარ დაბრკოლებას, შრომას და ხარჯს არ ერიდება, ოღონდ კი ხალხი სიბნელიდგან გამოიყვანოს და ცხოვრების საუკეთესო პირობებში ჩააყენოს. მადლობის ღირსია აგრეთვე საზოგადოების მხრივ კოსტანტინე და ევგენ ზარნაძეები, რომელთაც სკოლის საქმეში რემონტი უყვეს და განსაკუთრებით კოსტანტინე ზარნაძე, რომელიც გულწრფელი მომხრეა, რომ თხილთაწყაროში სკოლის საქმე კარგად წავიდეს. მაგ. მან საშუალება მისცა სასკოლო სტოლების საგრძობელ იაფად გაკეთებით ბავშვებს დამჯდარიყვენ სწავლის დროს რიგიანად, ზეზე დგომის და იატაკზე ჯდომის მაგიერ. სკოლის მზრუნველად ამორჩეულია ქრისტესა ხაჭაპურიძე და ხალხის მხრიდან სასკოლო საბჭოში იოსებ არაბიძე. საღმშენებლო კომიტეტის წევრებად და გამწვრლებად ამორჩეული არიან: დათა ბუტხრიკიძე, ბესარიონ დიკონიძე, პავლე ჯანაშია, იორდანე ბუტხრიკიძე, კოსტანტინე ხაჭაპურიძე, ისაკო ჯაბიძე და კოსტანტინე ზარნაძე. იმედია ეს არჩეული პირნი ხალხის ნდობას გაამართლებენ და არავითარ დაბრკოლებას არ დაერიტებიან, არ მიუგდებენ უფრო კერძო პირების ლაპარაკს და საზოგადო სასარგებლო საქმეს სასიკაღლოთ დააბოლოებენ, რომ ამით თავის სახელიც უკვდავი ჰყონ, სანამ იქნება თხილთაწყაროს არა ერთი და ორი დგმა, რომელნიც მულამ მოიხსენიებენ ოქროს ასრებით აღბეჭდილ სახელებს იმ ადამიანებისას, რომელთაც ასეთი დეაწლი და შრომა დასდევს ხალხის გასანათლებლად და სიბნელის მღგომარეობიდან გამოსაყვანად. პირველ საკითხად წამოყენებულია არსებული შენობის ორ ოთახად გადაკეთება. კარგი იქნება შენობას შეკეთების შემდეგ ბ. იოსებ არაბიძე და ქრისტესა ხაჭაპურიძე იზრუნებდნენ სამკითხველოს განსწავლა და საკვირაო სკოლის დაარსებაზე. ამით ბევრს, დუქანში ცუდად ლაპარაკის მაგიერ, მიეცება საშუალება ბევრი რამ კარგი გაიგონოს გაზეთებიდგან და აგრეთვე, რადგან ზევრმა წერა-კითხვა არ იცის, წერა-კითხვასაც დაისწავლიან. ესეც სამადლო და სასახელო საქმეა. იმედია, უურიადლებას მიიქცევს ხალხიც და ამორჩეულ კაცებს მხარს დაუჭერს კეთილ განზრახვებში.

წავერწალი.

წერილები რედაქციის მიერათ.

მაძია რედაქციონ!

უმორჩილესად გთხოვთ ნება გვიბოძოთ თქვენი პატივცემული გაზეთის „ზინაური საქმეების“, საშუალებით გამოვსთქვა ჩემი ეკლესიისა და მრევლის გაჭირვება. აგერ რამოდენიმე წელიწადი გადის მას შემდეგ, რაც რომ დაწყებულ იქმნა შენება ნატანების ეკლესიისა (გურიანთის საბლადოჩინო ოზურგეთის მაზრა) და დიდის ვაი-ვაგლახით ველირსეთ მოსრულებას და ყოვლად უსამღვდელოესმა ლეონიძემ კიდევ გვიკურთხა ენკენისთვის 2-ს ამა 1912 წელს. მაგრამ, სამწუხაროდ, ამ ეკლესიაზე ირიცხება 20—25 კომლამდე ხალხი, რომლებიც დიდს გაჭირვებაში არიან ამა ეკლესიის აშენების გამო. თუმცა ეკლესია აშენებულია და წირვა-ლოცვაც რიგზეა, მაგრამ ეკლესიას აკლია: სამღვდელო შესამოსელო, კანკელი მოუსრულებელია, ხატები არ აქვს, რამოდენიმე საეკლესიო წიგნი არ არის, არა აქვს აგრეთვე დაფარნები, ჯვარ-საწერი გვირგვინები, და სხვ...

ერთი სიტყვით რაც გვაქვს დროებით ნათხოვარია მეზობელ ეკლესიებიდგან. ამისათვის ვთხოვთ ყველა პატივცემულ მამებს, და და დედებსთ, რითაც შეუძლიათ, აღმოგვიჩინონ დახმარება ამ წმიდა საქმეში.

პატივცემული ნატანების წმიდის ნიკოლოზის ეკლესიის მღვდელი არონ დონდოლაძე

ჩვენ ძალიან გვაკვირვებს აქ ბწერილი გარემოება: ოც და ხუთმა მოსახლემ და ისიც გურიისში ტაძარი ააგო! ჰგავს თლათ არ მომკვდარა სარწმუნოება ამ საბარაკო კუთხეში. სა-

ქირა დაეხმარათ ამ მცირე ოაზისს გურიის ურწმუნოების უდაბნოში.

რედ.

ძამალ რედაქტორო..!

ჩემდამო რწმუნებული ლახუნდარის ეკლესიის მრევლი შესდგება ას ერთი კომლისგან. ამათგან ორმოც და თერთმეტი (51) კომლი არინ აზნაურნი და შთამამელობითი საპატოო მოქალაქენი, ხოლო დანარჩენი ორმოც და ათი(50) კომლი გლეხნი. მოძრაობამდის ამ ეკლესიას ყავდა ორ დარაჯი ეკლესიის მსახურიც გლეხთაგან, მაგრამ მოძრაობის შემდეგ გლეხებმა უარი განაცხადეს, თუ აზნაურნი და მოქალაქანი არ მიიღებენ მონაწილეობას, ჩვენ არ გავხდებით ვალდებული, რომ მათ საზიარო ეკლესიას მოუდგეთ და ვემსახუროთ. ამის შესახებ მივიქვეყნო ყოვლად სამღვდელმოსაღმი თხოვნით, რომელმაც ინება ჩემი თხოვნის გადაცემა ადგილობრითი ბლადლოჩინზე რეზოლიუციით: „ბლადლოჩინმა დეკანოზმა ლამბაშიძემ ადგილობრივ გაარჩიოს საქმე და დააწესოს ყარაული.“ ეს იყო 23 მაისს 1909 წელს. ბლადლოჩინმა გამოგზანა, თანაშემწე მაგრამ მრევლი არ შეიკრიბა. შეადგინა ოქმი და გაუგზანა ადგილობრივ ბოქოულს, რომელმაც მისწერა ადგილობრით მამასახლას: „უფალი ქუთაისის გუბერნატორის მოწერიობის ძალით პირველ დეკემბრიდან 1909 წლისა №8252 ქვეშე ყარაულის შენახვა სფლად სოაზოგადაა ამისათვის დაუყონებლივ დააწესე ყარაული საზოგადოებიდანო.“ მაგრამ ვერ დაითანხმეს გლეხნი და აზნაურნი, რომ ერთმანეთს მომხარებოდენ ყარაულის ქირაში. ეს საქმე გაუთავებელი დარჩა და ეკლესიას დღესაც არ ყავს დარაჯი. ამისათვის უმორჩილესათ გთხოვთ თქვენ პატრიცემულ გაზეთ „შინაურის საქმეების უმახლობელეს ნუმერში განგვიმარტოთ: აზნაური და მოქალაქენი მოვალენი არიან თუ არა მონაწილეობა მიიღონ-გლეხებთან ერთად ეკლესიის დარაჯის და მსახურის შენახვაში

ლახუნდარის ეკლესიის მღვდელი ზორთფირე კაყიდაძე.

გლეხები ზნეობრივით მართალი არიან.

საზიარო ყანას საზიარო დამუშავება უნდა, ეგრეთვე საზიარო ეკლესიასაც საზიაროთ უნდა დარაჯობა. გვაკვირვებს კეთილშობილთა ჯიუტობა. ნეტა რა ხარჯს მოითხოვს ეკლესიის ერთი ღამის დარაჯის შენახვა? ძალიან რომ გავადიდოთ ბათმინი სიმინდი დაეხარჯება წელიწადში.

რედ.

ძამალ რედაქტორო!

გთხოვთ გაზეთის „შინაური საქმეების“ უმახლობელეს ნუმერში მოათავსოთ ეს ჩემი საპასუხო წერილი.

„შინაური საქმეების“ 34 ნუმერში მოთავსებულია მასწავლებლის იონა გაბეხაძის საპასუხო წერილი ამავე გაზეთის 18—19 ნუმერში დასტამებული ბ. მოწაფის წერილზე ჩხარში გალობის დამახინჯების შესახებ. ჩემი მხრით, როგორც ადგილობრითი მღვდელი და შკოლების გამგე, ორთავეს ვუპასუხებ შემდეგს:

მე ყოველი ღონე ვიხმარე, რომ ჩხარის შკოლებში და ეკლესიაში ქართული გალობის საქმე კარგად დამეყენებია და კიდევაც მოვახერხე—უვარგისი გამოვაცვლეინებდა ქართული გალობის კარგათ მკოდნე მასწავლებელი დავანიშენიე. მაგრამ, სამწუხაროთ, დიდხანს არ შევარჩინეს ჩხარის შკოლას ეს მასწავლებელი. საეპარქიო საბჭოს დადგენილობით, იგი გადაყვანილ იქმნა ბაღდათის შკოლაში, რადგან, როგორც საბჭოს დადგენილებაში სწერია „ბაღდათის შკოლას გალობის კარგათ მკოდნე მასწავლებელი ესიჭიროება“.

ჩემი მხრით არც სიტყვა და არც კალამი არ დამიზოგავს, რათა გაუქმებიათ ეს შეუფერებელი დადგენილება; ან იგივე მასწავლებელი დეტოვებიათ ჩხარის შკოლაში და ან სხვა საგნის მკოდნე, პირი გამოგვგზანათ. ვარწმუნებდი; თუ ბაღდათის შკოლას ესაჭიროება კარგი მასწავლებელი, ჩხარის შკოლასაც კარგი სჭიროია-თქო. მაგრამ ამაოთ! რაც დასწერეს, აღარ წაშალეს და მით ერთ შკოლას დედობა გაუწიეს და მეორეს დედინაცვლობა.

აქ საჭიროთ მიმაჩნია აღვნიშნო, რომ მოხსენებულ დადგენილებაში არავითარი წილი

არ უღვესთ მეთვალყურეთ: ბ. ავერკიევს და მ. გველესიანს.

გადაყვანილი მასწავლებლის მაგივრათ გალობის მასწავლებელათ დანიშნეს ი. გაბეხაძე. მაგრამ უნდა მოგახსენოთ, რომ იგი ძლიერ ნაკლები გალობის მასწავლებელი გამოდგა. ბ. გაბეხაძის გალობა არ შეეგუება ქართული გალობის არც ერთ კილოს. იგი არის უშუალო უსიცოცხლო, მშრალი და წარმოადგენს უღიათო ხმის გაგრძელებას და აწვევს დაწვევას. ეს ნაკლები მეთვალყურე მ. გველესიანსაც შენიშნა და თავის სარევიზიო წარწერაში კიდევ გააფრთხილა, რომ ნაკლები გაასწოროს. ურიგო არ იქნება, რომ ბ. გაბეხაძე შეეცდებოდეს ამ ნაკლის შევსებას, თორემ თავის თავის ქებით მართო თავის თავს მოატყუებს და სხვასვერავს.

რაც შეეხება ეკლესიაში რუსულ გალობას, ამაზე მოგახსენებთ შემდეგს: გაზეთში აღნიშნულ დროს, წირვის წინ ჩემთან საკურთხეველში შემოვიდა ბ. გაბეხაძე და მითხოვა. რაც მოწაფე ქალებმა ქართულათ არ იციან წირვის წესში, რუსულათ ვაგლობებო. მეცნება დავრთე და რაც ქართულათ არ იცოდნენ, რუსულათ იგალობეს, როგორც ქალებმა, ისე სამინისტრო სკოლის მოწაფე ვაჟებმა.

რომ ეს ასე იყო, ამას ბ. გაბეხაძეც აღნიშნავს თავის საბასუხო წერილში, მაგრამ ძლიერ მიკვირს, რომ ამასთანავე ბ. გაბეხაძე იმავე წერილში ამბობს, ვითომც მთავრობა ბეალებდეს მას რუსულ გალობას. ადგილობრივი ეკლესიის უმახლობელესი უფროსი მე ვარ და თუ მთავრობა რაიმე ამგვარ განკარგულებას ინებებდა, უსათუოთ მე მომივიდოდა იგი, მაგრამ არც საეპარქიო მთავრობისაგან, არც საეპარქიო საბკოსაგან და არც მეთვალყურეთაგან ამის მსგავსი არა მიმილია, არც წერილობითი და არც სიტყვიერი. ამის შემდეგ კარგი იქნება, რომ ბ. გაბეხაძე გვიხსენებდეს, რომელმა მთავრობამ უბრძანა მას ქართულ ეკლესიაში რუსული გალობა?

ყოველივე იქ დაწერილს შემდეგ შეიძლე-

ბა კიდევ ვინმე შიშობდეს, რომ ჩხარი გადაგვარების გზაზე იყოს დამდგარი. თუ ამის შიში ვისმეს გაქვსთ მაშინ „ნუ შეძრწუნდებიან გულნი თქვენნი, ნუცა ეშინინ!“ გრწმენინ ჩამეთუ ის იყო ის შემთხვევა, რაც გაზეთში დაიწერა და შემდეგ კი ჩხარის ეკლესიაში მოწაფე ქალების გალობა აღარ გვსმენია, მაგრამ მარტო რუსული კი არა, არამედ ქართული გალობაც აღარ გავგონილა. რატომ? მიტომ, რომ ბ. გაბეხაძემ კარგათ იგრძნო, თუ რა უკმაყოფილო დარჩა მლოცველი საზოგადოება მისი დამახინჯებული გალობით; კარგათ იგრძნო, რომ იგი თავის ადგილზე არ არის და დადუმება არჩია. რაზომ დამახინჯებულია ჩხარის სკოლაში გალობა, ყოველივე ეს ნათლათ დანიხა უკანასკნელი რევიზიის დროს მზრის მეთვალყურე მ. იაკობ გველესიანმა და აღგვითქვა ამ ნაკლის ახლო მომავალში გამოკეთება, რითაც დიდაც ვნუგეშობთ და იმედიც გვაქვს, რომ სიტყვა საქმეთ იქცევა.

ბ. მოწაფეს საიდგანდაც გაუგია, ვითომც ბ. გაბეხაძეს მთავრობასთან დაბეზლებით დავემინებო. ქუჩაში აკრეფილი სიტყვების დაჯერებას, ბ. მოწაფეც ისა სჯობდა ჩემთვის გეკითხათ და მეც გიბასუხებდით, რომ ბ. გაბეხაძეს მე დაბეზლებით არ დავუბეზლებივარ. მაგრამ კიდევ რომ დავებეზლებივ, თუ რამე სიმართლეს იტყოდა, რაღას ვემართლებოდი და თუ დაბეზლებას ცრუ ფაქტებზედ ააშენებდა, მაშინ ხომ იცით, სიცრუეს მოკლე ფეხები აბია, შორს ვერ წავა კაცი სიცრუით, მალე დაიქერენ და მერე მართალსაც აღარ დაუჯერებენ. ამნაირათ. ცრუ მამბებლარა თავის თავს უფრო ავენებს, ვინემ სხვას.

მღვდელი იასონ აბესაძე

მადლობის გამოცხადება.


მაძია რექტორა!

უმორჩილესად ვთხოვთ თქვენს პატივცემული ვაზეთის „ზინაური საქმეების“ საშუალებით უღრმესი მადლობა გამოუცხადოთ ქ. ქუთაისის მკვლევრებს ნინა პაულე გოჯასპირისძე ლორთქიფანიძის მეუღლას—ქეარიალის ასულს, რომელმაც კეთილ იწევა და შემოსწირა რწმუნებულ ჩემდამო სალხინოს სულის წმ. მოსვლის ეკლესიას შემდეგი ნივთები: ერთი ღვთისმშობლის ხატი, ერთი საზეთე კანდელი, მოქარგული ტრაპეზის გადასაფარებელი, სახარებისათვის

აბრეშუმის პლატოკი და სახარების მოსაქედად ორი მანეთი ფული. სულ ოცი მანეთის საღირალი.

სალხინოს სულის წმ. მოსვლის ეკლესიის მღვდელი ტრაპისი ძიგრაშვილი.

რექტორი მღვდელი **სიმონ მჭედლიძე**
გამომცემელი **ირსა ლეჟავა**.



იულიუს საარეკ

მოიჯარადრე ქუთ. ქალ. ქუჩ. ნავთით

-x: ბანათმბისა :x-

== ღა ==

მხოლოდ ერთი წარმომადგენელი ქუთ. და ბათუმის მასრისა ამ მშვენიერ ხანგძლივ ფარნებისა

☞ იბა ი. ნ. ☜

უფროსილდით მიმსგავსებას

მისამართი ალექსანდრეს ქუჩა, თეატრის სისლი.

ტელეფონი № 18.

გამართულია ხელის მოწერა 1913 წლის
ყოველ-ღლიურ საკოლიტიო და სალიბერატურო გაზეთ

წელიწადი
მეოთხე

„სახალხო გაზეთი“

წელიწადი
მეოთხე

1913 წელს გაზეთი გამოვა იმავე წარმოებით, როგორც აქამდის გამოდიოდა.

ყოველ-ღლიურ გაზეთის გარდა 1913 წელსაც გაზეთს ექნება

სურათებიანი დამატება

(კვირბურთ).

პრემია

1913 წლის

წლიურ ხელის მომწერი, ე. ი. ისეთები, რომელნიც მოე-
ლი წლის სათესურს გადაიხდიან, ან წინდაწინვე განაცხადებენ
გაზეთის კანტორაში. რომ წლიური ხელისმომწერი არიან,
1913 წლის განმავლობაში

მიიღებენ

მ რ ვ ი ბ ნ ს

1) უცხოეთის მფარლები.

2) მართველი მფარლები.

ამ წიგნში შევა სხვა და სხვა ნაწარმოებნიც, ამ წიგნში შევა ქართველ მწერალთა სხვა და სხვა
ხოეთის გამოჩენილ მწერლებსა, რომით იქნენ ნაწარმოებნი, როგორც პოეტური, ისე ბელე-
ბა არა ნაკლებ 400 გვერდისა და წლიურ ხელის მომწერისა და წლიურ ხელისმომწერთ დაურიგდებ-
მომწერთ დაურიგდებათ იანვრის დასასრულს. ბათ ენკენისთვეში.

გაზეთის ფასი როგორც თფილისში, ასე მას გარედ დარს წელიწადში ისევე 8 მან. 50 კ., ნახევარ-
წლით 4 მან. 50 კ., ერთი თვით 75 კაპ.

გაზეთის ფასი — ტფილისში და მის გარედ — საზღვარ გარედ

წლ.	11 თ.	10 თ.	9 თ.	8 თ.	7 თ.	6 თ.	5 თ.	4 თ.	3 თ.	2 თ.	1 თ.
8მ. 50კ.	8მ.	7მ. 50კ.	6მ. 75კ.	6მ.	5მ. 25კ.	4მ. 50კ.	3მ. 75კ.	3მ.	2მ. 25კ.	1მ. 50კ.	75კ.
11მ. 50კ.	10მ. 75კ.	10მ.	9მ.	8მ.	7მ.	6მ.	5მ.	6მ.	3მ.	2მ.	1მ.

კალკე ნომერი ყველგან შაური; დამატებიანი ნომერი შვიდი კაპიკი. ✕ ადრესის გამოცვლენ-
ლი ფასი ქალაქიდან ქალაქ გარედ, ან ქალაქ გარეთისა ისევე ქალაქ გარეთისაზე 40 კაპ., დანარჩენ
შემთხვევაში ადრესის გამოცვლა უფასოა.

იმ ხელისმომწერმა, რომელიც ორივე პერიოდის მიღებას უოსებით მოისურვებს, გასაგზავნ ხარ-
ჯად უნდა გამოგზავნოს ხელისმომწერის ფასთან ერთად კიდევ ათი შაური. ვინც რედაქციის
კანტორაში მიიღებს პრემიას. იმას ეს ფული არ გადახდება.

ხელისმომწერის პირობები:

1) წლიურ ხელის მომწერთ გაზეთის ფასი (8 მან. 50 კ.) შეუძლიანთ გადაიხადონ ნაწილო-
ბით, მხოლოდ აუცილებლად შემდეგ ვადებზე: ხელის მოწერისთანავე 3 მ., 1 აპრილამდე
2 მ., 1 თებერვამდე 2 მ., 1 ენკენისთვემდე 1 მ., 50 კ., 2) გაზეთის გამოწერა შეიძლება მხო-
ლოდ თვის 1 რიცხვიდან, მხოლოდ სრული თვეებით და არა უმეტეს 1913 წლის გასულისა.

ხელის მოწერა გამართულია:

1) „სახალხო გაზეთი“-ს კანტორაში (სასახლის ქუჩა, სარაჯიშვილის სახლი, შესავალი ეზოდან),
რომელიც ღიაა დღით 9—3 საათამდე და საღამოს 5—7 საათამდე, გარდა კვირა-უქმეებისა.
20 დეკემბრიდან კი ღია იქნება: დღით 9 ს.-დან საღ. 8 ს.-დე, კვირაობით და დღესასწაულე-
ბში დღით 11 ს.-დან ნაშუადღევს 3 ს. 2) ქ. შორის წერა-კითხვ. გამავრცელ. საზოგ. მთა-
ვარ გამგეობის წიგნის მაღაზიაში: სასახლის ქუჩა, თავადაზნაურთა ქარვასლა.

3) ფოსტით. Тифлисъ, Груз. гав. „САХАЛХО ГАЗЕТИ“, поч. ящ. 190.

ჩვენის უკაფი.

(ქურნალ-გაზეთების კანტორა „იმერეთი“)

ამ უმაღლესი დიობის უკაფი ბ. ი. კვიციანიძის ქურნალ-გაზეთების კანტორაში იმეკონება შემდეგი სარწმუნოებრივ შინაარსის წიგნები და წიგნაკები:

- 1) მხედრული სახარება სამოციქულოთი და დავითნით დიდი და პატარა ფორმატისა.
- 2) საგალობლები.
- 3) სიბრძნე ბალავარისა.
- 4) ცხოვრება წმ. საკვირველ-მოქმედისა ნიკოლოზისა.
- 5) ცხოვრება წმ. მცხ. თევლასი.
- 6) ცხოვრება ღირსისა მამისა ილარიონ ქართველისა.
- 7) — ღირსისა მამისა მაკარი ეგვიპტელისა.
- 8) — ღირსისა დედისა თეოდორასი.
- 9) — წმ. უვეცხო მკურნალისა პანტელეიმონისა.
- 10) ცხოვრება დიდისა მოწამისა ვესტათისი.
- 11) წამება წმ. მიქელ ტრიმიდატელისა.
- 12) ცხოვრება შვიდთა ყრმათა ეფესელთა.
- 13) ხორციელად დაფლვა ქრისტესი და შთავლა ჯოჯოხეთში.
- 14) ცხოვრება თედორე ჯვარ-მტვირთველისა.
- 15) — ისე წილენელ ეპისკოპოსისა.
- 16) მანანა
- 17) ცხოვრება წმ. ევსელნისა.
- 18) ცოლქმრობა.
- 19) ფილოსოფოსი სოკრათი.
- 20) ცხოვრება წმ. მოწ. თეოდორე ტირონისა.
- 21) წამება წმ. მარინესი.
- 22) ცხოვრება წმ. იაკობ დაქრილისა.
- 23) ცხოვრება ალექსი ღვთის კაცისა.
- 24) — თხზულება მაქსიმე აღმსარებელისა.
- 25) — ბრძნული სიტყვები.
- 26) — წმ. ნინო ქართველთ განმანათლებელი.
- 27) წამება წმ. რაფდენისა.
- 28) ოქროს წყარო.
- 29) რჩეული სიტყვები.
- 30) ცხოვრება წმ. მარიამ ეგვიპტელისა.

- 31) პარაკლისი დავით გარესჯელისა.
- 32) ცხოვრება წმ. მამისა დავით გარესჯელისა.
- 33) ფაბიოლა, ანუ უწინდელი ქრისტიანები.
- 34) ნოტების სახელმძღვანელო.
- 35) კარგი ყველგან კარგია.
- 36) ენის გაჩენა.
- 37) მესამე ოქრო.
- 38) ბუნება და ადამიანი.
- 39) ქრისტიანობა და დემოკრატია.
- 40) ერთი ღამე აკალდამაში.
- 41) ახალი აღთქმის საღვთო ისტორია.
- 42) გზა ცხოვრებისა.
- 43) კაიაფას ვაჟიშვილი.
- 44) პროფ. მაქს მიულდერის ახრი მატერიალიზმზე.
- 45) სარწმუნოება და მისი უარის მყოფელნი ჩვენში.
- 46) ქრისტე ღმერთია?
- 47) ქრისტიანობა ბებელის ლაბორატორიაში.
- 48) წყარო ურწმუნოებისა.
- 49) მოკლე საეკლესიო ისტორია.
- 50) სამი მცნება.
- 51) მოხსენება პროფ. ცაგარელისა საქართ. ეკ. ავტოკეფალიის შესახებ.
- 52) აკაკი როგორც მგოსანი მამულიშვილი.
- 53) არა კაც კლა.
- 54) პატარა ქრისტიანი.
- 55) წმ. ნინოს ღღობა და მისი მნიშვნელობა.
- 56) ათეიზმი, მისი წარმოშობა და გავლენა მეცნიერებასა და ცხოვრებაზე.
- 57) სიკვდილი მართლისა.
- 58) სინამდვილე სახარებისა და ქრისტეს მკედრეთით აღდგომისა.
- 59) მოთხრობა შობისათვის უფლისა ჩვენისა ი. ქრისტესა.
- 60) მებაღე ფოკა.
- 61) პატარა ქრისტიანი ანუ საჭიროა თუ არა ეკლესიაში ვიარებოდეთ?
- 62) წამება წმიდისა მღმწ. ვლასისა.

ქ. ქუთაისი, სტამბა „დიობა“ კახაკოვის შესახვევი, სახლი № 17